

Imartani Kalaallit Nunaata aalisarnikkut oqartussaaffigisaani raajarniarneq pillugu Namminersornerullutik Oqartussat nalunaarutaata nr. 23, 29. august 2002-imeersup allangortinneqarnissaanut Naalakkersuisut peqquneqarnissaannik Inatsisartut aalajangiiffigisassaattut siunnersuut, taamaalilluni kilisaatit umiarsuarimi namminneq tunisassiorsinnaasut, basis-liniemiit 3 sømiilit iluanni aalisarsinnaatitaannginnissaat atuutitertinneqartussanngorlugu
(Inatsisartunut ilaasortaq, Siverth K. Heilmann Atassut)

pillugu

ISUMALIUTISSIISUT

Siunnersuutip aappassaaneerpeqarneranut tunniussaq

Suliarineqarnerani Ataatsimiititaliami uku peqataapput:

Inatsisartunut ilaasortaq, Nikolaj Jeremiassen, Siumut, siulittaasoq
Inatsisartunut ilaasortaq Karl-Kristian Kruse, Atassut, siulittaasup tullia
Inatsisartunut ilaasortaq Finn Karlsen, Siumut
Inatsisartunut ilaasortaq Lars P. Mathæussen, Siumut
Inatsisartunut ilaasortaq Hans Enoksen, Siumut
Inatsisartunut ilaasortaq Aqqaluaq B. Egede, Inuit Ataqatigiit
Inatsisartunut ilaasortaq Ane Hansen, Inuit Ataqatigiit

Ulloq 9. oktober UKA 2013-imi siullermeerereermermi Ataatsimiititaliap siunnersuut misissorpaa.

Siunnersuutip imaa aamma siunertaa

Angallatit anginerit ilaatigut qalorsuit marluk atorlugit sinerissap qanittuani aalisartut immap naqqani pissutsinut aalisagaaqqallu alliartorfigisaannut sunniuteqarnerlussinnaasut siunnersuuteqartup siunnersuutimini tunngavilersuutigaa.

Tamatumanittaaq angallatit anginerusut raajaqassutsimut ajoqutaasinnaasut, kiisalu raajat ikilinerat sinerissap qanittuani aalisartunut allanut aamma nunami suliffissuarni sulisunut tuniluuttumik sunniuteqarnerlussinnaasooq siunnersuuteqartoq tunngavilersuivoq.

Siunnersuutip Inatsisartuni siullermeerneqarnera

Siullermeerinermi siunnersuut siamasissumik tapersorsorneqarpoq, taamaattorli partiit amerlanerit Ataatsimiititaliami suliarineqartussanngorlugu innersuussutigivaat.

Naalackersuisup akissuteqaatimini aalajangiiffigisassatut siunnersuut isumaqatiginngilaa. Aalisariutit angallammi tunisassiornissamut akuersissutillit maanna tunngaviusumik killeqarfimmit 3 NM-ip iluani taamaallaat killilimmik aalisarnissamut periarfissaqartut ilaatigut pequtaatinneqarpoq. Namminersorerullutik Oqartussat nalunaarutaat nr. 23, 29. august 2002-meersoq aalisarnermik ingerlatsisut peqatigalugit Naalackersuisut nutarterusuppaat, raajarniarnermimi pissutsit 2002-miit allanngungaatsiarsimmamata. Naalackersuisut maannakkuugallartoq allannguutissatut siunnersuut tapersorsinnaangilaat, nalunaarutit atuuttut nutarternerannut atatillugu kattuffiit attuumassuteqartut akuutinneqarnissaat Naalackersuisunit pingaartinneqarmat.

Oqallinnermi Siumut allannguutissatut siunnersuummik imaattumik saqqummiivoq: ”Imartani Kalaallit Nunaata aalisarnikkut oqartussaaffigisaani raajarniarneq pillugu Namminersorerullutik Oqartussat nalunaarutaata nr. 23, 29. august 2002-imeersup allanngortinneqarnissaanut Naalackersuisut peqquneqarnissaannik Inatsisartut aalajangiiffigisassaattut siunnersuut, taamaalilluni kilisaatit 30 meterinit anginerusut basisliniep iluani aalisarsinnaatitaannginnissaat atuutitinneqartussanngorlugu.”

Apeqqutit

Siunnersuutip Ataatsimiititaliamit suliarineqarneranut atugassatut apeqqutit arlallit Aalisarnermut, Piniarnermut Nunalerinermullu Naalackersuisumut Ataatsimiititaliap akeqqusimavai. Ataatsimiititaliap apeqqutaasa assilineqarneri aamma Naalackersuisup akissutaa isumaliutissiisummut uunga tapiliunneqarput ilanngussaq 1-tut.

Ataatsimiititaliap siunnersuummik suliaqarnera

Ataatsimiititaliap tunngaviatigut isumaqarpoq aalisakkanik atuineq siunertamut naleqquttumik uumassuseqarnermullu illersorneqarsinnaasumik ingerlanneqartariaqartoq, taakkunungalugu atatillugu isumalluutit attatiinnarnissaat kinguaassiorsinnaanerallu pingaartinneqartariaqartoq.

Ataatsimiititaliap isumaqarportaaq inuussutissarsiutigalugu aalisarnermi killissarititaasut aaqqissoreranni aalisarnermik inuussutissarsiutini, suliffissuarni inuussutissarsiutinilu attuumassutilinni suliffissaqartitsiniarnermi mianerisassat ilaatinneqartariaqartut.

Tamatununga atatillugu nunami suliffissuarnut patajaatsumik tunioraasinnaanerup periarfissaanissaa pingaaruteqartuusoq Ataatsimiititaliap naqissusissavaa. Aalisariutit

tunnngaviusumik killeqarfiup timaani taamaallaat aalisartartut pisatik tamaasa tunisaramikkittamatuma isumannaarnissaanut ilapittuutaasarput.

Aalajangiiffigisassatut siunnersuummi taaneqarpoq angallatit namminneq tunisassiorsinnaanissaminnut akuersissutillit nunami suliffinnik amerlasuunik pilersitseqataaneq ajortut, tamannalu nunami suliffissuaqarnerup ataannarnissaanut ajoqutaasutut isigineqartoq.

Naalackersuisup akissuteqaammimi Ataatsimiititaliallu malitseqartitsilluni apeqqutaanut akissummini uku taavai (tak. ilanngussaq 1), taakkulu Ataatsimiititaliap tusaatissatut tiguai:

2013-imi sinerissamut qanittumi raajarniarluni aalisarnermi angallatit 25-upput, aalisarsinnaanermut akuersissutinut 21-inut agguataarsimasut. [...] Aalisarsinnaanermut akuersissutinit taakkunannga 21-usunit akuersissutit sisamat (4) SQNT-mik akuersissutaapput, tassa tunisassiorsinnaanermut akuerineqarlutik akuersissutit...

Imartani Kalaallit Nunaata aalisarnikkut oqartussaaffigisaani raajarniarneq pillugu Namminersornerullutik Oqartussat nalunaarutaanni nr. 23, 29. august 2002-meersumi § 7, imm. 1 naapertorlugu angallatit nammineq tunisassiornissamut sinerissap qanittuani raajarniarnissamut akuersissutinik peqartut tunnngaviusumik killeqarfik tikillugu aalisarsinnaapput, taamaattoq angallatit piffissami 1. april-imiit 31. oktobarip tungaanut tunnngaviusumik killeqarfiup avataani milit 3-t avataanni sumiiffimmi 61°N aamma 65°N aalisarsinnaapput. Aammattaaq angallatit § 7, imm. 2 naapertorlugu Hareø-karsimi, Sisimiut-karsimi aamma Banan-karsimi aalisarsinnaanngillat. Taamatuttaaq § 7, imm. 3 naapertorlugu 70° 45' N-ip avannaani tunnngaviusumik killeqarfik tikillugu aalisarsinnaapput kisiannilu najugaqarfiit kaajallallugit 5 NM-inik illersuutissatut killeqarfiit malinneqassapput aammalu tamanna qilalukkat qernertat qaqortallu piniagaaffiini atuunnani.

Angallatit SQNT-mik akuersissummut attuumassuteqartut (tunisassiorsinnaanermut akuersissutillit) pisamik aalajangersimasup ilaanit tulaassisussaataapput. Tassa imaappoq annikinnerpaamik pisaminnik tunitsivimmut tulaassisussaapput. Qanoq annertutigissanersoq akuersissummit aalajangerneqartarpoq.

Tamatumunngali tapiliullugu oqaatigineqassaaq imatut pisumi kissaatigineqassalluni procentit suliffissuarnut tulaanneqartartussat allanngortinneqarnissaat, tassani pineqarmat tunisassioriaaseq nammineerluni ingerlasinnaasoq, aammalu

naatsorsuutigineqarsinnaalluni tulaanneqartartussat annertussutsinik assersuutigalugit 10.000 tonsinik qaffanneqarlutik raajanik suliffissuaqarnermi sulisoqarnermut annertunerusumik pingaaruteqarnavianngitsoq, tassami maannakkut naammassisaqarsinnaassuseqarneq naatsorsuutigineqassammat naammattumik angissuseqassalluni annertunerusumik annertussutsinik naammassinnissinaasutut.

Ataatsimiititaliap paasivaa siunnersuuteqartup aalajangiiffigisassatut siunnersuummini aamma allannguutissatut siunnersuummi sinerissap qanittuani isumalluutit uumassusillit uumassuseqanngitsullumi illersorniarai. Tamatumunnga atatillugu aalajangiiffigisassatut siunnersuummi siunertarineqartoq Ataatsimiititaliap tapersersormagu naqissuserneqassaaq.

Arleqqutigineqarsinnaasoq tassaavoq angallatit 30 miiterinit takinerusut, aamma angallatit nammineerlutik tunisassiornissamut akuersissutillit immami avatangiisinut qularnanngitsumik sunniuteqarnerlussinnaanerai, tamannalu ilaatigut raajarniutit arlallit qalorsuarnik marlunnik saarlisaartunillu oqimaatsunik atugaqarnerannik pissuteqarsinnaasoq.

Tamatumanittaaq piniutit immap naqqani atornerqarnerisigut naqqani uumassuseqarfiit aserorterneqartarnerai, ilaatigullu marlunnik qalorsuorsornermi aalisakkat allat aamma qalerallit akornusersorneqarsinnaasarnerai Ataatsimiititaliap aarlerinartut isigaa. Ataatsimiititaliap arleqqutigaaattaaq angallatit anginerusut raajat kinguaassiornerminni nammassinnaasaannit raajat amerlanerusut pisarineqartarnissaat.

Ilaatigut raajaqassutsip annikilliarnera sinerissap qanittuani angallatinut tamanut aamma nunami suliffissuaqarnermut sunniuteqassaaq. Angallatit tunngaviusumik killeqarfiup timaani taamaallaat aalisartartut immikkut eqqugaasussatut isigineqartariaqarput.

Tassunga atatillugu Naalakkersuisup akissuteqaammuni Ataatsimiititaliallu apeqqutaanut akissummini (tak. ilanngussaq 1) ima taasaqarpoq:

Maannakkorpiaq angallatit aalisartut tallimat (5) 30 meterinit takinerusut sinerissamut qanittumi raajarniartuupput. Angallatinit taakkunanga pingasut (3) ullumikkut SQNT-mik akuersissutinut attuumassuteqarput.

[...] arlariinnik qalorsuaqarluni ataatsimut isigalugu piffissaq sivikinnerusoq atorlugu annertunernik pisaqartoqartarmat, ataasiinnarnillu qalorsuaqarluni assinganik pisaqarniaraanni piffissaq sivilunerusoq atortariaqarmat. Ilimagineqarsinnaavoq arlariinnik qalorsuaqarnerup ataasiinnarmik qalorsuaqarnermut sa-nilliullugu kilisaffik annertunerusoq sunniuteqarfigisassagaa, atortullu oqimaannerullutik, tamannali

misissuiffigineqarnikuunngilaq. Taamaammat ilisimatuussutsikkut tunngavissaqanngilaq arlariinnik qalorsuaqarnerup ataasiinnarmik qalorsuaqarnermut sanilliullugu immap naqqanik aserorterineruneranik inerniliissalluni.

[...] kilisaatit atorlugit raajarniarfinni annertuumik aalisakkat suffineq ajortut. Suffinerit amerlanertigut itissuseq 100 meterit tikillugit pisarput, raajarniarnerillu itinerusuni pisarlutik.

Taamaammat nalilerneqarpoq angallassuit tunisassiorfiit aalisarnerisa nalaanni aalisakkat suffinerillu ajortumik sunnerneqarneq ajortut.

Ataatsimiititaliap paasissutissat qulaani taaneqartut tusaatissatut tiguai, maluginiarlugulu marlunnik qalorsualerluni aalisarnerup immap naqqanut sunniutai misissorneqarsimannngitsut.

Tassungaa atatillugu angallatit 30 miiterinit takinerusut immap naqqani avatangiisinut ajortumik sunniuteqartarnerisut paasissallugu inuiaqatigiit annertunerusumik soqutigisassarigaat Ataatsimiititaliaq isumaqarpoq, taamaalilluni tamanna pisariaqarpat raajarniarnerup pitsaanerpaamik ingerlanneqarnissaanut iliuuseqartoqarsinnaassammat.

Maanna aalisarneq pillugu inatsisip nutarterneqarnerani misissuineq ilanngunneqassasoq Ataatsimiititaliap kaammattuutigissavaa, taamaalilluni aalisarnermi malittarisassat ataatsimoortut saqqummiunneqarsinnaaniassammata. Tamatuma saniatigut malittarisassat tamakkiilluinnartumik nutarneqarnissaat aalisarnermut iluaqutaanerpaassasoq Ataatsimiititaliap qularutiginnigilaa, piffissammi ingerlanerani malittarisassat annerusumik minnerusumilluunniit nutarterneqartarnerat imaaasinnaammat aalisarnerup patajaatsumik ingerlanneqarnissaanut iluaqutaanngitsoq, taamaalillunilu aalisartunut ataasiakkaanut toqqissisimajunnaartitsillutik, taakkumi aalisarnermik takorluukkat kiisalu malittarisassat aalisarnermut tunngassuteqartut paasiuminaatsilissammatigit.

Aqutsinermut tunngassuteqartut annertunerusumik misissoqqaartinnagit raajarniutit sumi aalisarsinnaanerannik allanngueratarsinnaaneq kiisalu akuersissutit pisassallu agguataarnerinik allanngueratarsinnaanerit qanoq sunniuteqassanersut aalajangerneqarsinnaanngitsoq Ataatsimiititaliap akuersaarpa. Ataatsimiititaliaq isumaqarportaaq allanngueratarsinnaanerimut inuussutissarsiornermi aningaasaqarnikkut sunniutaasussatut naatsorsuutigisat aamma sulisoqarnikkut sunniutaasinnaasut siumoortumik suussusersineqqaartariaqartut.

Ataatsimiititalialli paasivaa sinerissap qanittuani piujuartitsinerup siuarsarnissaanik kissaateqarnermik innersuussuteqarluni aalajangiiffigisassatut siunnersuut aamma allannguutissatut siunnersuut annertunerusumik tunngavilersorneqartoq, tamannalu tunngavigalugu kiisalu angallatit 30 miiterinit takinerusut immami avatangiisinut sunniteqarsinnaanerannik Ataatsimiititaliap aarleqquteqarnerani, allannguutissatut siunnersuut una saqqummiunneqassaaq:

Kalaallit Nunaanni aalisarnermi tamarmi piujuaannartitsineq pitsaanerpaaffimminiitittuarniarlugu imartani Kalaallit Nunaata aalisarnikkut oqartussaaffigisaani raajarniarnermik nalilersuinermik, tassunga ilanngullugu atortut assigiinngitsut angallatillu angisutsimikkut assigiinngitsut immap naqqanut aalisagaaqqanullu qanoq sunniteqartarnerannik nalunaarsuinermik, aallartitsinissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.

Allannguutissatut siunnersuutip saqqummiunneratigut aalajangiiffigisassatut siunnersuutigineqaqqaartup matumanilu Siumumit allannguutissatut siunnersuutip siunertaata attatiinnarnissaat Ataatsimiititaliap pingaartissimavaa, peqatigitillugulu Naalakkersuisunit paasissutissat tunniunneqartut ilaatikkusussimallugit, tassanimi ilaatigut taaneqarmat angallatit nammineq tunisassiorsinnaanermut akuersissutillit tunngaviusumik killeqarfiup 3 NM-it timaani killilimmik maanna aalisarnissamut taamaallaat periarfissaqartut.

Siuliani allannguutissatut siunnersuut Ataatsimiititaliamit isumaqatigiittumit saqqummiunneqarpoq, taamaattumillu aappassaaneerseqarnissaa sioqqullugu Siumup siusinnerusukkut allannguutissatut siunnersuutini tunuartinniarlugu aamma oqaatigisimavaa.

Angallatit sumi aalisarsinnaanerannik inaarutaasumik aalajangiinissaq sioqqullugu raajarniarnermi aalisariaatsit uumassuseqarnikkut sunniutigisinnaasaasa suunerannik misissuisoqaqaarnissaa Ataatsimiititaliap naggataatigut oqaatigissavaa.

Siunnersuutip aningaasatigut kingunerisassai

Aningaasatigut kingunerisassai naammassineqarsinnaasutut isikkoqarmata, Ataatsimiititaliap nalilerpaa Ataatsimiititaliap allannguutissatut siunnersuutaani aningaasartuutit missingersuutaareersutut killiussanit akilerneqarsinnaassasut.

Ataatsimiititaliap inassutai

Ataatsimiititaliap isumaqatigiittup aalajangiiffigisassatut siunnersuut itigartinneqassasoq inassutigaa, **inassutigalugulu Ataatsimiititaliap allannguutissatut siunnersuutaa akuerineqassasoq.**

Taamatut oqaaseqarluni isumaliutissiisummilu allassimasutut paasinnilluni Ataatsimiititaliap siunnersuut aappasaaniigassanngortippaa.




Nikolaj Jeremiassen,

Siulittaasoq



Karl-Kristian Kruse,


Siulittaasup tullia



Finn Karlsen



Lars P. Mathæussen



Hans Enoksen



Aqqaluaq B. Egede



Ane Hansen



**Aalisarnermut, Piniarnermut
Nunalerinermullu Naalakkersuisut
Karl Lyberth
/Maani**

Ullaq: 15. oktober 2013
J.nr.: 01.36.01.03-00048.

Pineqartog: UKA 2013/124.

Aalajangiiffigisassatut siunnersuutip UKA 2013/124-p suliarineqarneranut atugassatut
Ataatsimiititaliap Naalakkersuisunut ilaasortamut apeqqutit uku akeqquai:

1. Tunngaviusumik killeqarfimmit 3 NM-ip iluani angallatit qassit maanna raajarniarnermut akuersissuteqarpat?
2. Angallatinut raajarniarnermut akuersissutilinnut angineranut (≥ 30 meter) tunngaviusumik killeqarfimmit 3 NM-ip iluani raajarniarsinnaatitaasunut atatillugu uku Naalakkersuisunit paasissutissiissutigeqquneqarput:
 - 2.1. Angallatit ingerlatsisut amerlassusiat?
 - 2.2. Angallatit aalisarnerminnik unitsitsisimasut amerlassusiat?
3. Tunngaviusumik killeqarfimmit 3 NM-ip iluani raajat qanoq annertutigisut aalisarneqartarpat (tonsimut nalingat)?
 - 3.1. Raajat qanoq annertutigisut aalisarneqartarpat: angallatinit anginerusunit (≥ 30 meter) aamma mikinerusunit (< 30 meter)?
 - 3.2. Raajat tunisat nioqqutissiarineqartartut amerlassusiat: nunami aamma angallatini?
 - 3.3. Raajanut nunniunneqartunut nunamilu suliarineqartunut atatillugu, taakku aalisakkanik suliffissuarni sullassaqartitsinermit qanoq sunniuteqarpat?
4. Angallatit anginerit (≥ 30 meter) tunngaviusumik killeqarfimmit 3 NM-ip iluani aalisarnermit peersinneqarnerat inuussutissarsiornikkut aningaasarsiornikkullu sunik sunniuteqassava?
 - 4.1. Akuersissutilinnut avataani raajarniarnermut nuutitaasunut sunniutissat?
 - 4.2. Nunami aalisakkanik suliffissuarni sulisoqarnermut sunniutissat?
 - 4.3. Angallatit anginerusut (≥ 30 meter) peersinneqarnerat sinerissap qanittuani aalisartut aamma avataasiorlutik aalisartut akornanni pisassiissutit agguataarneqarnerannut qanoq sunniuteqassava? Tassa imaappoq akuersissummik pigisallip pisassai sinerissap qanittuani imal. avataasiorluni aalisarnermut nuunneqassappat?
 - 4.4. Tunngaviusumik killeqarfimmit 3 NM-ip iluani angallatit sinneruttut (< 30 meter) sunniuteqarluartumik sinerissap qanittuani raajartassat atorsinnaassavaat?

5. Sinerissap qanittuani immap naqqanut aamma aalisagaqassutsimut atatillugu, matumanittaag raajaqassutsimut atatillugu, angallatit anginerusut (≥ 30 meter) tunngaviusumik killeqarfimmit 3 NM-ip iluanit aalisartut peersinneqarnerat qanoq sunniuteqassasoq naatsorsuutigineqarpa?

- 5.1. Aalisakkanik allanik/pisarisuukkanik piujuartitsineq tunngavigalugu atuinermut atatillugu sinerissap qanittuani aalisarnermi saarlisaartunik atuinermut sunniutaasut pillugit Naalakkersuisut qanoq nalliippat?
- 5.2. Saarlisaartunik atuinermi sunniutaasut aalisartut qanoq nalilerpaat – aamma aalisartut misilittagaannik atuinissamut Naalakkersuisut qanoq pilersaaruteqarpat?

Akissutitut allakkiaq qarasaasiakkut (kalaallisut, danskisut) kingusinnerpaamik ull. 17. oktober 2013 (nal. 12.00) nassiunneqarsinnaavoq uunga: gimsing@inatsisartut.gl

Inussiarnersumik inuulluaqqusillunga



Nikolaj Jeremiassen

Ataatsimiititaliami siulittaasoq



Aalisarnermut, Piniarnermut Nunalerinermullu Ataatsimiititaliaq
-/Maani

Ataatsimiititaliap UKA2013/124-p suliarinerani apeqqutaai pillugit

Ataatsimiititaliaq allakkatigut 15. oktoberimeersutigut saaffiginnissuteqarluni arlalinnik apeqquteqarpoq 2013-imi ukiakkut ataatsimiinnermi immikkoortup 124-ip suliarineqarneranut atatillugu. Apeqqutinut taakkununga imaattunik akissuteqassaanga:

1. 2013-imi sinerissamut qanittumi raajarniarluni aalisarnermi angallatit 25-upput, aalisarsinnaanermut akuersissutinut 21-inut agguataarsimasut. Tassa akuersissutit ilaat angallatinik arlannik angallatitaqarput. Aalisarsinnaanermut akuersissutinit taakkunanga 21-usunit akuersissutit sisamat (4) SQNT-mik akuersissutaapput, tassa tunisassiorsinnaanermut akuerineqarlutik akuersissutit, taakkualu Imartani Kalaallit Nunaata aalisarnikkut oqartussaaffigisaani raajarniarneq pillugu Namminersornerullutik Oqartussat nalunaarutaanni nr. 23, 29. august 2002-imeersumi § 7 naapertorlugu, tunngaviusumik killigittitap (basisliniap) iluani aalisarsinnaatitaanngillat. Piffissamili 1. aprillimiit 31. oktoberimut taakku sumiiffimmi 61° N-imiit 65° N-ip (Arsummiit Napasumut) akornanni tunngaviusumik killigittitap avataani imarsiornermi miilit pingasut (3) avataanni aalisarsinnaapput.
2.
 1. Maannakkorpiaq angallatit aalisartut tallimat (5) 30 meterinit takinerusut sinerissamut qanittumi raajarniartuupput. Angallatinit taakkunanga pingasut (3) ullumikkut SQNT-mik akuersissutinut attuumassuteqarput. SQNT-mik akuersissutinit marluk (2) ullumikkut akuersissummut angallatitaqanngillat.
 2. Imartani Kalaallit Nunaata aalisarnikkut oqartussaaffigisaani raajarniarneq pillugu Namminersornerullutik Oqartussat nalunaarutaanni nr. 23, 29. august 2002-imeersumi angallatit taakku raadiukkut kalerrisaarinertalerlugit taaneqarsimasunil marluk (2) aalisarunnaarnikuupput. Taamaasilluni maannakkut angallatit tallimat (5) sinnerunnikuupput. Taakkau tassaapput "79-eririk" taaneqartartut.

Tassunga atatillugu malugeqquneqassaaq angallatit raajarniarnermut akuusut amerlassusaat annertussusiunngimmat aalaakkaasoq. Nikerarsinnaavoq apeqqutaalluni aalisarsinnaanermut akuersissummut sorlermut attuumassuteqartuunersut. Taamatuttaarlu nikerarsinnaalluni taakku avataasiorlutik imaluunniit sinerissamut qanittumi aalisarnermi aalisartuunersut. Taamaattumik pisariaqanngivissumik attuumassuteqanngilaq angallatit sorliit piffissami taaneqartumi

16-10-2013
Sullap nr. 2013-090232
Dok. nr. 1366598

Postboks 289
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

aalisarnerut, tamannami tunngavigalugu inernlisoqarsinnaanngimmat inaarutaasumik aalisarunnaartuusimanersut.

3.

1. Tunngaviumik killigitat iluani avataanilu aalisarneq, aamma angallatit 30 meterinit anginerusut mikinerusullu atorlugit, imatut agguataarsimapput:

2011			
	Tunngaviumik killigitat iluani:	Tunngaviumik killigitat avataani:	Tamakkiisumik tonsinngorlugu:
30 meterinit mikinerusumilluunniit takissusillit:	27.308.666	1.200.877	28.509.543
30 meterinit takinerusumilluunniit takissusillit:	9.102.207	21.829.582	30.931.789
Tamakkiisumik	36.410.873	23.030.459	59.441.332

2012			
	Tunngaviumik killigitat iluani:	Tunngaviumik killigitat avataani:	Tamakkiisumik tonsinngorlugu:
30 meterinit mikinerusumilluunniit takissusillit:	27.246.236	284.309	27.530.545
30 meterinit takinerusumilluunniit takissusillit:	8.793.008	22.522.337	31.315.345
Tamakkiisumik	36.039.244	22.806.646	58.845.890

Tassa imaappoq 2011-imi tunngaviumik killigitat iluani aalisarnermi angallatit 30 meterinit mikinerusumilluunniit takissusilinnit pisat 75,0 %-ii aalisarneqarsimapput. 2012-imi taamatut aalisarnermi tunngaviumik killigitat iluani pisat 75,6%-ii aalisarneqarsimapput.

2. Angallatit SQT-mik aalisarsinnaanermut akuersissummut attuumassuteqartut (tunisassiorsinnaanermut akuersissuteqanngitsut) 100%-imik tulaassisussaataaapput. Tassa imaappoq pisatik tamakkerlugit tunitsivimmuut tulaattassavaat. Angallatit SQNT-mik akuersissummut attuumassuteqartut (tunisassiorsinnaanermut akuersissutillit) pisamik aalajangersimasup ilaanit tulaassisussaataaapput. Tassa imaappoq annikinnerpaamik pisaminnik tunitsivimmuut tulaassisussaapput. Qanoq annertutigissanersoq akuersissummit aalajangerneqartarpoq. Akuersissutinit ataaseq (1) 30%-imik tunisassiorsinnaanermut akuersissuteqarpoq, taakkuninngalu 70 (%) tulaanneqartussaallutik. Akuersissutit allat pingasut (3) 75%-imik tunisassiorsinnaanermut akuersissuteqarput, taakkuninngalu 25 %-it tulaanneqartussaallutik.
3. Tulaassisussaataaneq naalackersuinikkut naatsorsuuteqarnermit tunngaveqarpoq tassalu aaqqissuussaanerup nassatarissagaa nunami suliffissanik pilersitsissutaassasoq. Naalackersuisoqarfimmit imaasiallaannarlugu kisitsisaatigineqanngillat suliffissat qassit pigineqarnerut raajanik nunami tunisassiornermut atatillugu. Kisitsisit

taakku pissarsiarineqarsinnaapput, kisianni ataatsimiititaliamit piffissaliussaatur peqqussutigineqartup iluaniunngitsaq.

4.

1. Eqqortuunngilaq akuersissutaatilik tunngaviusumik killigititap iluani aalisarunnaarsitaanermi, avataasiorluni aalisarnermut nuussasoaq, tassami sulii sinerissamut qanittumi akuersissut pineqarmat. Assigilngissutaa taamaallaat imaappoaq angallat 30 meterinit takinerusoaq akuersissummullu attuumassuteqartoq, taamaallaat aalisarsinnaassasoaq imarsiornermi miilini pingasuni (3) tunngaviusumik killigititap avataani.
2. Aalajangiiffigisassatut siunnersuummi taamaallaat pineqarmat sumiiffinni sorlorni allannguinermi aalisartoqarsinnaanersoaq, tamatumani procentit suliffissuarnut tulaanneqartartussat attorneqassanngillat. Taamaattumik nunamut tunngaveqartumik suliffissuaqarnikkut sunniutaa naatsorsuutigineqassaaq allanngortussaannngitsutut.

Tamatumunngali tapiliullugu oqaatigineqassaaq imatut pisumi kissaatigineqassalluni procentit suliffissuarnut tulaanneqartartussat allanngortinneqarnissaat, tassani pineqarmat tunisassioriaaseq nammineerluni ingerlasinnaasoaq, aammalu naatsorsuutigineqarsinnaalluni tulaanneqartartussat annertussutsinik assersuutigalugit 10.000 tonsinik qaffanneqarlutik raajanik suliffissuaqarnermi sulisoqarnermut annertunerusumik pingaaruteqarnaviannngitsoaq, tassami maannakkut naammassisaqarsinnaassuseqarneq naatsorsuutigineqassammat naammattumik angissuseqassalluni annertunerusumik annertussutsinik naammassinnissinaasutut.

3. Sinerissamut qanittumi avataasiorluni aalisarnerup akornanni agguataarisimaneq inatsimmit iluarsivigineqarnikuvoq, allanngortinneqarnaviaranilu nalunaarummit allanngortitsinnaanermi. Aalisarsinnaanermut akuersissutit sulii sinerissamut qanittumi akuersissutaassapput. Tassunga atatillugu maluginiarneqassaaq sinerissamut qanittumi avataasiorlunilu aalisarnerup akornanni pissutsit allanngortinneqassagaluarpata tamatuma nassatarissammagu piginnittunut ataasiakkaanut pisassiissutinit pigisat allanngortinneqarnerat, tamatumalu plumasaaqatigissallugu akuersissutit taamaatitinneqarnissaat.
4. Sinerissamut qanittumi raajarniarnermi pisassiissutitigut pissutsit allanngortinneqarsimanerat pineqartussaannngimmata, oqartoqarsinnaanngilaq pisassiissutinit iluaqutiginninneq eqqarsaatigalugu arlaatigut allanngortitsisoqarsimasoaq.


5.

1. Taamatut ittunik atortunik atuinermi (saarlisaartut naqqanut tunnganeq ajortut) misilittakkat sulii ima killeqartigimmata siusippallaarpoq inernilliissalluni atortumik atuinermi kingunipiloqartoqarsinnaassanersoaq. Taamaattumik inernilisoqarsinnaanngilaq atortorineqartoq annertunerusumik piujuartitsinerunersoaq.

2. Atortoq annikitsuinnarmik atorpeqarpoq, aammalu amigaataapput nalunaarutigeqqinninnerit aalisartunit atortup atorpeqarnera qanoq ittumik paasineqartarnersoq. Taamaattumik tassunga atatillugu aalisartut nalliineri pillugit Naalakkersuisut oqaaseqarsinnaanngillat.

Taamaasilluni uppersaatissaqarmat qalorsuarnik atuinermi kingunerisinnaasat annertunerusumik pijuartitsinerusoq, allatigulluunniit pissusissamisoornerususoq, tamanna immini tunngavissiissaaq sammineqartumi malittarisassanik allanngortitsinissamut.

Inussiarnersumik inuulluaqqusillunga



Kari Lyberth